

in oratione ponuntur : partim quæ cum alijs orationis partibus coniunguntur.

4 Genera autem sunt masculinum, fœmininum, & neutrum : quædam enim pronomina, etiamsi unius sint formæ; sunt tamen generis communis trium. quædam uerò more adiectiuorum nominum tres habent formas, exceptis quibusdam casibus pluralis, in quibus una omni generi respondet.

5 Numerus pronominum est singularis, & pluralis.

6 Figura tantum simplex est.

7 Persona uerò quibusdam est prima dumtaxat, aut secunda, aut tertia : Quibusdam omnes tres.

8 Casus denique ferme sunt totidem quot adiectiuis : deest autem quibusdam Nominatiuus, & Vocatiuus : quibusdam uerò Vocatiuus utriusque numeri; ut in exemplis.

DE PRONOMINE.

Demonstratiuo, & Reciproco.

Cap. II.

Pronomen demonstratiuum est, quod certam rem demonstrat, cuiusmodi sunt omnia pronomina prima, secunda, & tertiae personæ, siue sint unius formæ, siue plurium.

Exem-